

كارتون الكتاب المقدس

صموئيل النبي

المصدر [Bible App for Kids](#)

سؤال: امتى أقدر أصلي؟

الإجابة: أنا أقدر أصلي في كل وقت ... بالنهار و بالليل

في كل وقت و كل مكان أقدر أكلم ربنا و أسمع به بيكلمني

تعالوا نشوف إزاي

كارتون الكتاب المقدس - صموئيل النبي



نشوف إيه في القصة دي؟

صموئيل كان لسة ولد صغير ... لكن ربنا اختاره و كلمه شخصياً

صموئيل في الأول مكانش عارف إنه ربنا

لكن ربنا دايماً سامعنا و نقدر نكلمه و يكلمنا في كل وقت و كل مكان

و دي هي الصلاة ... يبقى أنا أقدر أصلي في كل وقت و كل مكان


المهم بس إني دايماً أكون مستعد أسمع ربنا و أتكلم معاه ... و أقول زي ما عالي قال لصموئيل يقول: تكلم يا رب لأن

عبدك سامع

صموئيل لما عمل كده سمع ربنا ... و ربنا قال له يعمل إيه و هو سمع كلام ربنا و كان مطيع طول عمره

إحنا كمان نقدر نسمع كلام ربنا ... مش بوداننا زي صموئيل لكن في الإنجيل ... الإنجيل هو كلام ربنا لينا

ال 3 حاجات اللي المفروض نعملها؟



أبص للطبيعة اللي ربنا عملها و أشوف ربنا في كل حاجة فيها و أتكلم معاه
 لَمَّا أسمع العصافير ... كأنها بتسبح ربنا ... و أسبح معاه
 لَمَّا أبص على الورد ... أشوف قد إيه ربنا فنان جميل ... و أسبح و أتكلم معاه
 لَمَّا أبص على السما ... أشوف قد إيه ربنا كبير و مالوش نهاية ... أسبحه لأنه أبويا الطيب اللي بيحبني

الطبيعة بتعلّمني أسبح ربنا معاه

- 2



الساعة بتفكرني إن ربنا سامعني في كل وقت

سواء بالليل أو الصبح أو الظهر ... ربنا عمره ما بينام ولا بيزهق مني

- 3



طيب أتكلم مع ربنا أقول له إيه في الصلاة؟؟

ربنا هو أبويا و صاحبي ... أقدر أتكلم معاه على طول و أقول له كل حاجة ... اللي باعمله, اللي محتاجه, قد إيه هو حلو بالنسبة لي, أنا
 حاسس بإيه ...

! **المشكلة:** ساعات مش بافكر أكلم ربنا ... أو مش باسمعه لَمَّا يكلمني ☹️

🔍 **الحل:**

افتكر دائماً إن ربنا أبويا الطيب اللي على طول معايا و سامعني و بيكلمني
و أقول مع صموئيل: يا رب اتكلم، أنا سامع
و أفتح الإنجيل لأن ده كلام ربنا ☺

تعالوا نحفظ مع بعض الآية:

فجاء الرب ووقف ودعا كالمرات الأول: «صموئيل، صموئيل». فقال صموئيل: «تكلم لأن عبدك سامع» (صموئيل الأول 3 : 10)

؟ يعني ربنا عايز يتكلم معايا في كل وقت و كل مكان ... المهم أنا أفتح ودني و قلبي و كتابي المقدس عشان أسمع
صوته

♥ تعالوا نطلي مع بعض:

يا رب أشكرك إنك مش سايبني لوحدي ... ساعدني دائماً أسمع كلامك في الإنجيل و أطيعه و أتكلم معاك في الصلاة و أعمل
اللي انت عايزه مني

صورة للتلوين: ربنا كلم صموئيل و هو سمع ... لكن ربنا عايز يتكلم معايا أنا كمان!!
لازم أقول له يا رب اتكلم أنا سامع ... زي صموئيل



تعالوا نفكر إن ربنا بيكلمنا و عايزنا نكلمه على طول ... نبقى شاطرين زي صموئيل و نركز مع ربنا عشان نسمع صوته

